

同安縣志卷之三十四

忠義錄

古稱燕趙多慷慨悲歌之士又稱西北之風近義言其習尚然也以視吾同則舍生取義國爾忘私尤有進焉同地多山軒敞環列以其峭拔之氣鍾之於人故生其地者類皆廉隅自勵不亢不卑其有膺專闕赴疆場或為國宣威或執干戈以衛社稷則又視死如歸有甲冑不可犯之色蓋忠誠貫日義膽填胸少成若性矣若夫懷二心以事主則動為清議所不恕降而黨派分歧朝秦暮楚廉恥無存名節掃地嗚呼三綱淪九法斃凡我人民欲於泰山鴻毛之間權衡死所烏可得耶世道之淪胥已非昔比不得已志忠義以為攜貳者儆有心人應同慨焉

宋 蘇 緘

明 陳 顯

劉 雄

黃岳霖

葉 爵

葉秉乾

周彝訓

范 方

林壯猷

李 容

胡有耀

郭寅日

張 顥

許厥猷

郭 富

葉翼雲

盧若騰

張 敏

蔡希旦

陳弼心

郭 超

同安縣志

卷之三十四

人物錄 忠義

清 陳 鼎

洪有禎

胡振聲

張高山

李合成

陳上國

李懋元

殉難烈士

莊尊賢

附錄

許 盛

宋

張璇光

蘇 勇

胥獻珪

劉高山

黃志輝

林向榮

林捷輝

陳上義

李耀國

陳紹芳

陳化成

邱成勳

許朝陽

蘇有濟

彭大猷

許攀桂

周承恩

邱聯恩

彭奪超

陳勝元

余 壽

李長庚

吳瑞興

李啟明

李懋庸

周全斌

杜 輝

蘇緘字宣甫素負義氣寶元元年進士初授南海簿委查番舶商樊氏升階就坐叱杖之樊訴于州州責緘緘曰簿雖卑朝廷命吏也杖部民何罪之有州不能詰再

調陽武尉有劇賊李者州縣莫能擒緘訪得其處率衆入賊巢大索火旁舍以迫之賊從中逸出緘馳馬斬之送府府尹賈昌朝驚曰儒者乃爾輕生耶累遷秘書丞知廉州民茅竹爲屋多火災飭易陶瓦懲吏之貪墨者改知英州儂智高圍廣州緘募士數千人委印於提點刑獄鮑軻夜行赴難廣人有黃師宓者陷賊中爲之謀主緘擒斬其父復捕殺不逞者六十餘人招其罣誤者六十餘人使復業賊勢沮將解去緘分兵先扼其歸路與賊戰大破之奏至仁宗語執政曰南事淹時戰將未聞有成效蘇緘乃儒生能奮力如此宜加優獎授供備庫副使充廣南西路兵馬都護監遣中使賜朝衣金帶牙笏以寵之賊至邕大將陳曙以失律誅緘亦坐貶房州州同英宗卽位以大臣論薦復供備庫使知廉州戍卒禧醉焚營延燒民居乘以爲竊緘戮禧於市坐謫潭州都監未幾知鼎州熙寧初進加京使廣東鈐轄知邕州充皇城使交寇陷欽廉乘勢逼邕破四砦緘閱郡得羸卒二千餘選士乘舟逆賊斬蠻酋二設方略分地拒守請救於桂州沈起劉彝獨遣一將張守節以怯懦敗外兵無一至者被圍四十餘日緘晝夜行勞士卒發神臂弓射賊所殪甚衆賊爲雲梯又爲攻濠洞蒙以華布緘悉焚毀之蠻計窮將引去而知外

## 同安縣志

### 卷之三十四

人物錄 忠義

援不至或教賊囊土傅城頃刻高數丈蟻附而登城遂陷緘猶領傷卒馳騎戰愈厲而力不敵乃曰吾義不死賊手亟還州治殺其家三十六人藏於坎迺縱火自焚賊至求其尸不獲城中吏民被屠五萬餘人潰三州城以填江初緘憤沈起劉彝致寇又不救患欲上疏論之屬道梗不通迺榜其罪於市冀朝廷得聞焉神宗聞緘死嗟悼至晡時方進膳歎曰可惜蘇緘近世忠義之臣罕見其比贈奉國軍節度使諡忠勇賜都城甲第上腴田十頃聽其家自擇以子元爲闔門祇侯召對便殿諭之曰邕州賴卿父守禦桂象皆得保全昔張巡許遠以睢陽蔽捍江淮較之卿父不能過也改元爲殿中丞通判邕州子孫與緘同死者皆褒贈起與彝坐謫官後交人謀寇桂州行數舍見大兵從北來呼曰蘇城隍領兵來報怨懼而引歸邕人祠之元祐中賜額懷忠祀鄉賢又祀忠義祠

舊志

明

陳顯洪武壬子舉人知德州太宗時爲燕王廉其才辟掌書院嘗乘奔諷諫旋以病告靖難初遣使召顯夜沐浴具衣冠再拜而死祀忠義祠

舊志

葉秉乾慷慨尙義正統辛酉饑出稻二千石以賑貧民賜勅旌義勞羊酒復其家已

已沙尤寇羅興甫作亂請於官督民壯殲之山賊陳敬德攻縣掠鄉募義兵千餘從主簿蔡遴擊走之海賊張秉彝駕船二百餘圍中左千戶率兵戰卻之賊退復圍高浦秉乾力戰俘賊十餘斬首數百級賊怒鳩衆圍之豪嶺突圍被執脅之從大罵曰吾奉義討賊不幸力屈速殺爲幸豈從汝反賊誘之再四不屈支解之成化初御史涂棐奏旌其門曰忠義祀忠義祠孫元齡嘉靖初應義隨大兵滅汀賊有祖風舊志

許厥猷字曰圖城內人正統己巳間陳敬德寇厥猷仗義領兵討賊三月二十八日與賊張秉彝大戰於安仁里十四都後溪頭賊退據險覘強弱以邀我兵時兵力單薄且援潰戰屢於豪南山死焉年四十五歲吳錫琮探家乘補

李容號巽庵浦園人明洪武庚午舉人辛未進士官河南監察御史歷任四川提學僉事靖難兵起京師陷建文帝不知所終公爲方孝孺門下士抗節不居被旨抄

族聞者痛之

李族譜林次崖集有家採

張敏字輔德涪州人正統乙巳沙尤寇起敏季父益彬集里中人保障爲仇所誣逮長者戍軍幼丁閹割之敏與其兄張慶張本俱被閹送詣京師稍長選入內庭敏

## 同安縣志

### 卷之三十四

人物錄 忠義三

雖幼而言動舉止迥異常兒凡有謀爲出人意料英宗擇爲青宮近侍事憲宗恭慎無過遇事婉諫微言憲宗嗣位敏旦夕左右夜具衣冠寢至子夜輒起以侍有所聞見未嘗外泄外廷諸事概不干預忠謹之名溢於宮禁嘗奉命操練騰驤四衛官軍兼理十九房馬政監督五軍大營未幾賜璽書總督十二團營敏持嚴而能推心體下偏裨士卒莫不懷畏前後賞賚若書籍圖畫蟒衣玉器金鞍之類不可勝數又於常廩外歲給米三十石特除其家戍軍籍五處召工圖其貌用璽識歲月敏兄弟三人同入禁掖俱見寵任兄本以御馬太監守備南京慶以司禮太監鎮守浙江而諸子暉鴻臚寺卿苗太常寺卿先是憲宗春秋高未子孝宗母紀太后以嬪御得幸有娠其時萬貴妃專寵昭德宮慮其妒害不敢以聞託爲病瘖得廢居安樂堂庚寅七年遂誕皇嗣將溺之敏曰今萬歲未子卽不遽上聞何至棄爲自是加意養育紀太后乳少敏時獻餅飴粉餌哺啜旣彌月與西宮吳廢后保抱惟謹不使萬妃知以萬妃妒故亦不傳於外庭成化十一年孝宗已六歲憲宗尙未知敏密結萬貴妃太監段英乘間言之未得便一日敏爲帝櫛髮帝照鑑嘆曰冉冉矣而未子敏伏地請死罪曰萬歲有子也帝叱曰安得有敏叩頭言狀

帝命亟召見時孝宗胎髮未剪長披地走入帝懷牽衣遊戲手持帝髻帝喜遂出示羣臣册立爲太子徙居紀太后於永壽乙巳敏被疾帝累遣太醫院診竟不起訃聞震悼賜銀幣爲殯殮具遣司禮御馬二監治喪復賜寶鈔二萬貫祭二壇戶部給齋糧麻布工部造墳特賜冠帽牙牌玉帶及孝宗嗣位追賜敏璽書官其家人於是苗累官南京通政使列於九卿質至錦衣衛指揮同知管衛事暉亦以慶蔭官光祿寺少卿食三品俸賜敏塋地通州三百畝守卒二十人其後有錦衣千戶張鵬張臻百戶張宏恩澤之事閩所未有苗子定登進士

閩書舊志

論曰張敏以沙尤之亂被闖非得已也侍內庭而以忠謹著已難矣况又委曲以存憲宗之嗣周旋回護至於六年俾紀太后母子得萬全其功不尤偉耶以闖宦之微尙忠誠若此吾邑多節義之士不其然乎

劉雄字逸圃佃儻尙義兄早故獨肩子職經營致富所居積善里在泉漳孔道之傍官吏過往者皆宿其家供帳迎款不稍怠門下食客數百人多勇敢忠直之士藉以捍衛鄉井固守封疆正統十三年沙尤寇發由漳襲同雄度邑中倉卒莫備乃散家財萬緡鳩義衆率門客家僮擊退之邑賴以完賊大恨越日復率衆來攻正

## 同安縣志

### 卷之三十四

人物錄 忠義四

交鋒閒馬逸入海淖中家僮八人奔隨之盡被殲焉賊復縱火焚其居闔家俱遇害惟妾吳氏先是攜三歲幼子往鄰鄉母家得脫難邑令爲視殮致祭葬之本里路傍龍亭嶺後八僮耐葬於右鄉人哀之稱曰義墳坡元孫存德嘉靖戊戌進士

杯王遵巖集參歐陽八山撰狀

周彝訓積善窳山人正統己巳歲倭寇近鄉倡義率鄉兵禦之馬陷泥淖中死之子懷炯以救父亦死之今其地號陷馬堰是也

胡有耀字子謙諸生素輕財仗義爲鄉人所信嘉靖戊午倭寇至其鄉有耀散財結社以禦之度力屈令其妻子宵遁謂之曰吾與衆盟義無獨去明日率其徒與鄉人併力爲拒賊計以脫諸婦女老幼力罷爲賊所得罵不絕口被戮獨慘事聞贈州同知給其子冠帶祀忠義祠

郭富字體仁後郭人慷慨尙義善射嘉靖戊午倭寇攻城中外震駭富奮不顧身從城上射殺二倭分巡盛公嘉其功賜以金不受越己未倭又攻城富率衆縋城而下追至埕西發矢又中斃一賊賊怒羣擁而前莫有援者遂爲所殺時五月二十九日邑人義而哀之

蔡希旦字可久號中溪習儒業弗遇力農以供親嘉靖庚申倭夷內訌念父未葬盡  
出家中藏羅諸庭而身守之已而倭不至偕二弟趣嚴具自操杵鍤成墳至指盡  
血既襄事而賊愈迫里中闔謀禦之推希旦爲首悉括丁壯得二百餘人晝夜巡  
警而親勸督之數日賊大至衆相視質人色希旦挺身出衆從之賊揮刀引騎衝  
其胸倭從之十砲齊發衆遂奔希旦立不動一人曰衆潰矣乃引卻已而賊三道  
繞其後衆莫應者賊遂割刃希旦死焉年甫五十希旦嚴謹仁厚嘗讀書野寺一  
婦夜款門希旦曰可速去恐僧見辱婦固求宿乃大恚閉門不納寺有小僧暴卒  
已就木矣希旦探其懷微温灸而起之旁舍嫗無子嘗向希旦乞食一日嫗不至  
希旦曰必病也遣子往視則臥簣憊甚復持粥粥之嫗病尋愈族有子忤繼母父  
怒將沈之水希旦曰子無狀誠當死然恐人以惑後妻殺前子也命撻之予以更  
新子感激及遭難知不知無不流涕後以子守愚貴贈主事晉贈四川按察使

黃岳案崇禎初爲廣東英德尉四年寇犯城督兵戰死英德人祠祀之又祀本邑忠

義祠

雍正志稿

范方字介卿後遷長泰博學礪行推重於鄉天啟辛酉解元性耿介聯同志爲社異

## 同安縣志

### 卷之三十四

人物錄 忠義 五

趣者擯不入與黃道周盧若騰沈佺期以氣節相尙試春官不弟見逆閹濁亂時  
事日非歸閉戶卻掃無任意崇禎初闖黨伏法乃更北上卒三困禮闈以道周薦  
國子監助教貧淡如常鬻文自給見流寇鴟張國計漸蹙每在學舍扼腕嘆息歷  
遷戶部員外郎以給軍餉籌守禦力言於主者未幾闖賊陷京師朝中或屈膝迎  
降或竄匿苟免或被拷掠索金獻至數十萬惟方及范景文馬世奇金鉉等數十  
人死焉方闖賊入整冠帶坐部署如故賊執之問倉鑰誰掌曰我掌問匙安在曰  
頭可斷鑰匙不可得鋒刃交下猶噴血怒詈濺滿署堂面不改色賊開倉鑰堅若  
鋼斫門始得入人謂方魂實爲之其長子登楓爲邑諸生甫冠婚自家來省視適  
遇難揮之不去殮方既畢號痛出血數升絕吭其旁有老僕爲并葬於邑之義塋  
方著作甚富以海氛蕩析無存唐王時盧若騰署浙撫上方死事有持闡死義之  
幽乞補褒旌之闕疏有命范方被執不屈大節可風准察明優卹嗣唐王敗遂寢

祀忠義祠

通志顯微集

郭寅日崇禎辛未歲貢任陝西平涼府通判陞同知李賊陷城寅日不屈與二子皆

死祀忠義祠

雍正志稿

葉翼雲字敬甫一字載九崇禎庚辰進士知吳江縣故事獄鑰掌於縣丞多爲官要禁無辜者翼雲清獄出之撤丞鑰自掌其害始絕家事無大小必手裁值歲稔粟貴奸民朱和尚乘機煽亂佯示寬縱卒掩捕無漏網者朝中黨起文選司吳昌時通盜盜倚內援剽掠無敢撓翼雲密使尉擒之昌時貽書爲盜地拒不聽忱以危語亦不爲動夏蝗飛蔽天按捕蝗法謂於露翅濕濡時便乃夜行田間督從者協捕蝗下令輕罪以捕蝗數爲贖蝗患既息繼以荒旱步禱龍祠日行數里凡設廠施粥買米平糶及浚河造船以工代賑無不備舉時國用絀議者欲因畝加賦翼雲條上其不便縣省六萬有奇十六年東陽之亂苕禾兩郡大震翼雲念戍守單弱選精壯教以坐作擊刺相度形勢令城外四圍皆可馳馬增築臺舍其上晝則戎服閱兵郊外夜則巡行闔閭偉然自成一軍北都變聞不軌者洵洵思亂廉得其主名捕殺之一邑帖然尤好獎拔才俊培植士類先是吳民詣闕懇再留巡撫祁彪佳上其治狀巡按周元泰亦上言葉令才守爲上上考任滿將入都以催科不及格爲吳昌時黨與所阻乃寓寺中吳民譁曰何忍以吾曹累公爭相輸納不旬日竟二萬七千五百有奇投櫃贏餘發修理承天寺吳民建祠祀焉臺臣歎曰

## 同安縣志

### 卷之三十四

人物錄 忠義 六

生祠去思碑皆可作而致惟卸事之官不事敲朴而完糧幾至三萬非深得民心者不能起爲禮部精膳司轉儀曹晉吏部清吏司郎中以親老乞歸唐王入閩擢稽勳司員外以便宜視同安縣事素服興師城破與其弟翼俊同殉難闔門死焉時年五十有二清諡烈愍翼俊以倡義兵授監紀推官

節本傳林志遠撰參松溪文獻吳江縣志

陳弼心崇禎元年戊辰武進士任南京都司歷大同參將甲申殉闖賊之難

府志選注

葉爵字尊侯蓮坡人崇禎十五年壬午武舉人歷官南京參將後死難於許灣

廈門志

林壯猷十二都周邊人崇禎間爲銅浯哨官福王時遷都督同知守永定移駐同安清兵至城陷舉家死以殉

舊志

張灝字爲三巡撫廷拱子也萬曆朝登進士官兵部職方司郎中明亡隱大嶝後入

臺灣卒於澎湖年九十有五

臺灣通史

盧若騰字閑之號牧州一字海運賢聚人崇禎丙子舉人庚辰進士御試召對稱旨授兵部主事黃道周沈方沈佺期引爲同志以氣節相尙會閣臣楊嗣昌奪情起用督師湖廣玩寇佞佛若騰劾其罪下旨切責天下壯之累遷武選司郎中總京衛武學三上疏彈定西侯蔣維祿惡其直外遷浙江布政使司左遷寧紹巡海道

瀕行又劾內臣田國興攬帶貨船濫用人夫辱州縣阻開口有旨逮國興抵法至浙潔已愛民興利除弊勢豪屏跡莫敢逞蕩平劇寇胡乘龍等閭里晏然浙人建祠祀之福王立南京擢鳳陽巡撫若騰以馬阮當國綱紀大壞辭不起貽書劉宗周云自古未有文武不和能成大功者今文武相貳勇私鬪怯公憤正不知所稅駕耳明年夏至錢塘而南都亡及唐王立福京下旨徵辟單騎赴召授浙東巡撫駐温州督師北伐特薦宿將賀君堯爲水師總兵募靖海水兵扼守要害以族弟游擊將軍若驥守盤山溪爲藩衛奏簡學臣考試以取人才收士望從之是歲温州大饑捐資賑濟得旨嘉獎加兵部尙書銜魯王起兵紹興號監國其臣不奉福京之命以兵窺温州有兼併意賀君堯勒兵拒之而于穎亦有撫浙之命若騰疏言十羊九牧號令不一恐誤封疆請自撤不許鄭彩之殺熊汝霖也衆畏其勢莫敢言若騰直揭其罪朝士振悚帝英明果斷有知人鑒而鄭芝龍專權日事驕奢大學士黃道周嫉之奏請出師窺江西途次以門生爲託若騰復書相勉許已而道周殉難紹興之師亦潰清軍迫温州若騰與君堯力守平陽糧絕不繼七上疏請援不報溫民擁署呼曰願公爲百萬生靈計若騰曰若欲降耶先殺吾民涕泣

## 同安縣志

### 卷之三十四

人物錄 忠義七

散叩紳士王瑞枬等議城守瑞枬曰人心已死非口舌可挽相持痛哭城破率親兵巷戰背中三矢爲靖海營水師所救乃與君堯脫入江上疏自劾命族弟若驥赴行在聞閩事壞痛憤赴水同官極起裂皆曰是不欲成我也鄭鴻逵招回閩尋潛入滄洲圖起兵道出寧波父老迎謁垂涕遣之見事不可爲仍回閩之曷山與郭大河傅象晉輩舉兵望山欲乘閒圖武安近寨餉絕興師戰不利嗣同葉翼雲陳鼎入安平鎮轉徙鷺江偕王忠孝沈宸荃曾櫻許吉璟辜朝薦徐孚遠郭貞一紀許國輩居浯島上自號留庵永明王因閣部路振飛疏薦召拜兵部尙書道阻不得達時鄭成功開府思明招徠遺老若騰依之禮爲上客軍國大事時諮問焉成功卒張煌言貽書謀復奉魯王監國會王薨乃於永歷十八年渡臺至澎湖病亟夢黃衣神持刺來謁忽問今是何日侍者以三月十九對矍然曰是先帝殉難之日也一慟而絕遺命題其墓曰自許先生年六十六若騰風情豪邁當時士大夫幸博一第則近地山海之饒率擁爲世業或以爲言夷然不屑晚一意著述自天文地理下逮蟲魚花草宏通博雅品藻古人成敗得失反覆淋漓斷制嚴謹至於感遇憂愁憤懣之什皆根於血性注灑人比之蔡忠毅道憲所著有留菴文集

二十六卷方輿圖考三十餘卷涪州節烈傳與耕堂隨筆島噫集島居隨錄島上

閒偶居寄印譜各若干卷通志臺灣外紀金門志鮎埼亭集續閩書林霍詩話蠡測彙

抄獻雲文  
抄合參

郭超後倉人明都督使福王入閩從黃道周勤王石齋甚重之為立匾於家廟中郭

家採  
族譜

陳鼎更名命鼎字子凝號象圖祖籍漳州北溪仍入漳庠天啟丁卯舉人甲申變後

躬自耕稼混跡緇黃唐王在閩復本邑教諭清兵至城陷鼎自縊於明倫堂

張璇光號義山浯島人磊落自豪讀書有獨得年二十冠童子軍補邑弟子員踰年

籲於庠崇禎之季時事日非自傷不能借箸報國每劇飲盡醉慷慨悲歌或繼以

痛哭及甲申聞都城煤山之變絕粒數日不死持巾櫛嘆曰太祖頒諸生巾自冠

臨朝三日取前庶人後三公之義為諸生者獨不可以三公之義自効乎自櫛髮

赴里中井脫朱履其上投井中水淺僅沒其半乃俯首就淺水中死聞者奔援之

不及時年二十有六曾孫時霖乾隆甲子舉人述其事京中公卿及同鄉紳士各

賦詩為贈標曰表微錄太守萬孺菴武榮洪良堂序之節張氏  
家傳

### 同安縣志

### 卷之三十四

人物錄 忠義八

陳上義全禾里三忠宮人也狀貌奇偉膂力過人恆留心於經濟之學明室傾覆諸

王繼敗黃道周等立唐王聿鍵於福州建元隆武招募四方豪傑不次擢用公以

勇而知書應募以軍功陞總兵未幾清兵南下公嬰城固守無援而陷清人愛其

勇欲降之罵曰羯胡我子孫誓不為汝官豈但我哉殉節而死陳宗  
河采

清

洪有楨字亮士嘗授徒里中督其子弟甚嚴謹丁亥兵起有楨從俠客糾海邊壯士

數百人守漳浦城陷被執見大帥有楨挺立不跪目直髮上指旁執刃者皆大駭

帥怒命縛於市磔之懸其頭於城東門暑月血色數日不變青蠅無敢集久之一

卒投其頭於濠於是門卒皆病中夜狂叫若有物擊之者乃相與求其頭羅拜瘞

之有楨工書法做文徵明賈人持售外國得重價歿後隻字之遺珍於拱璧舊志  
夕陽

察存  
稿

蘇勇字大弼石潯鄉人為入忠直勇毅膂力過人隸同安營千總時康熙庚申海氛

甚熾苦難勦滅勇慷慨請纓率兵攻之搜索海氛屢次報功賊殲矣勇誓必擒酋

身先士卒進攻之間被礮傷沒於軍年二十六事聞於上奉旨優卹加贈守備照



守備陣亡例襲雲騎尉子興字俊傑襲職遷居銅魚館

蘇氏家譜

李耀國汶沙保山前村人澎湖左營守備康熙六十年赴臺灣督造戰船適朱一貴作亂回澎率兵勇隨師往剿戰屢勝追賊入莊被圍賊斫馬蹶斷徒步接戰中賊幾陷軍士奪回郡城創發而死題授安平游擊署升銅山參將未任事聞加恩襲

雲騎尉

家傳

彭大猷水提標外委林爽文之役提督黃仕簡樓船東征以大猷爲前鋒從復諸羅攻斗六門將軍常青令分扼北門柴頭港南北路賊大會圍郡城攻北門大猷合諸軍出死力與禦賊退援麻豆莊以兵少幾陷遇救得脫隨剿南潭克之旋戰歿於陣嗣子得恩襲雲騎尉

廈門志

余壽涪洲人乾隆間以外委戍澎湖擢把總臺灣林爽文莊大田作亂日攻郡城壽隸游擊蔡攀龍麾下分一隊數撓大田賊黨進克鳳山府城急回郡兵僅九百勢不敵壽及軍士誓死決戰殲賊數百黎明賊四面環圍壽率藤牌兵直搗東北角射殺執旗賊賊卻忽肩中流矢拔去負創再進暈仆連呼殺賊而卒祀昭忠祠世襲雲騎尉

金門志

## 同安縣志

### 卷之三十四

人物錄 忠義九

胡振聲字子容號成菴父貴任廣東提督諡勤愨振聲入伍十五年補澎湖把總乾隆五十年隨澎湖副將帶兵赴杭水操拔千總著水提標守備從征臺灣叙功補臺灣守備嘉慶二年陞玉環營參將玉環父貴舊治營建義倉日久耗蝕振聲別弊補闕復其舊四年授廣東龍門副將還留浙獲劇賊得書按名搜捕盡獲由是名震海上蔡牽每遇振聲輒竄去一日被圍急易小舟遁獲其舟卽溫幫左鋒船也檄署溫州鎮以屢獲賊實授本鎮總兵官先後雖奏捷以未獲牽引媿會牽擾臺灣調閩堵截九年六月諜知牽北竄會海壇鎮孫大剛閩安協蔡定國澎湖協張世熊齊追至西洋望盜船七十餘皆艨艟巨艦且佔上風諸軍遲留不敢進振聲揮船獨發把總馮光陞跪請曰少須合諸軍齊進振聲曰我以身先衆船其肯後乎有頃復跪請曰公不念先夫人耶振聲潸然出涕曰毋多言已再鼓曰是何地也敢再言者斬連發巨礮斷賊船桅賊死傷甚多諸軍率制下風但叫呼助軍聲卒莫肯前牽見我軍援絕乃率新附梁山幫小船二十餘艇合圍之振聲柁工忽中傷風帆欹側遂被槩而仆牽念振聲同鄉不欲傷其命以鷄皮裹藥貼傷處振聲揭去大罵不絕口遂遇害事聞加提督銜賜祭葬諡武壯入祀昭忠祠世襲

都騎尉子廷恩襲

廈門志

胥獻珪號元圃爲廈門後營千總署澎湖左營守備乾隆五十一年林爽文亂帶兵隨游擊北援諸羅師至半天厝遇伏陣潰見攀龍坐馬重創急換騎賊大至衝突不能出力乏被執諭降不屈賊怒支磔之事聞賜恤世襲雲騎尉子德恩襲任本省陸提右營守備孫貞咸襲任至廈門守備

金志

陳紹芳後崎尾人千總大鱗子嘉慶十二年以水師提標後營外委從李長庚擊艇賊於廣東甲子洋乘風搏鬪右腿中礮死子承恩襲雲騎尉

廈志

許攀桂安平中營把總海寇蔡牽竄入鹿耳門攀桂分駕快船力戰被賊砲焚死海中廕一子外委祀昭忠祠

李長庚字西巖生而倜儻警敏甫入塾卽弄筆書天生我材必有用七字性至孝母喪既除益讀書習騎射乾隆辛卯科武進士藍翎侍衛屢扈南巡乾隆四十一年補浙江衢州都司累遷提標遊擊太平參將樂清副將林爽文亂臺灣閩中求良將於浙提督陳大用以長庚應遂入閩護海壇鎮總兵掩捕南日湄洲之賊數十人餘黨解散曾鄰海有民船被盜誤指海壇者被參革職長庚出家財募鄉勇率

## 同安縣志

### 卷之三十四

人物錄 忠義十

子弟操舟出擒盜首林權等數十人又擊盜陳營於大岞盜善火器長庚迴舟據上風以長竿繫月鏹斷其帆繚髮眉皆燎躍入盜船斬獲以歸福郡王平臺灣歸加禮善遇之檄郡縣曰李某用火藥所在支與之海盜林明灼陳禮等入浙戕參將張殿魁總督屬長庚捕之遂獲之奏功以遊擊起用五十五年署銅山參將選鋒自隨作商人裝屢獲賊明年丁父憂去官五十九年補海壇遊擊仍留銅山六十年安南夷艇始入閩閩人驟駭長庚以小船入擊之三澎救商船賊舍商拒兵長庚麾兵伏船內待賊礮盡過賊東發一礮碎其舟餘盜夜相逼計寡不敵乃以八船首尾纏爲一詰且賊東來則以東一舟應之至八西來亦如之迴環至暮賊乃去嘉慶二年授澎湖副將定海鎮總兵三年至定海時累更盜患艇夷登岸劫擄婦女官士嬰城至是始有所恃夏擊盜於衢港窮追入山東界獲之秋攻盜於普陀明年秋擊盜於潭頭皆斬獲無算閩盜鳳尾引夷艇入浙共百餘艘長庚追擊至温州沈其一艇守備許松年等三船困於賊長庚返舟入賊圍救出之窮追至廣東甲子洋遇蔡牽再擊之總督玉德巡撫阮元奏其事奉旨賞戴花翎五年五月至寧波與巡撫阮元提督蒼保議造大艇船三十以攻夷盜六月夷盜大小

七十船復入浙阮元謂賊多非會剿不可剿非有謀勇者爲統帥不可於是奏以長庚爲總統長庚既統水師遂條申軍令曰一定海鎮船居中軍用黃旗總領用五色方旗黃溫二鎮居左用紅旗總領用五色尖旗閩鎮居右用白旗總領用五色尖旗一中軍船畫行插五色旂夜懸三燈將領二燈弁兵一燈中軍船起頭篷之後掌進號一次者紅旗行二次者白旗行三次者黃旗行一遇賊船無論何鎮先見者卽插本色旗使後船見之仍視中軍所持五色方旗所指前後四方隨指追攻若中軍掛五色旗於大篷者收兵一各鎮雖分三色旗又於本色旗心黏他色以別其隊何隊犯令卽罪其領隊者一中軍船高插五色旗者收響夜中軍船放火號三支各總領二弁兵一亦收響支更譙警夜見有外船近者鳴金一陣各船互傳見盜近乃擊之毋遠而亂若收響旋須行者中軍插三色旗各船毋放杉板船入海一遇大盜宜安靜前後左右以旗進退之遲者亂者按以軍法旣追盜盜返篷擊我我毋避如有船陷賊本隊遲救者罪其長一追捕遇無風時必加櫓若心怯將篷或鬆或緊者罪之前船若速必回待後船後船不加速而亦回住者罪之一泊舟各總領船插黑旗禁縱兵上岸一中軍傳將備出黃旗傳千把外委

## 同安縣志

### 卷之三十四

人物錄 忠義十一

出藍旗傳隊目柁工出紅旗一兵船獲盜船以盜賊物爲賞兵船遇礁門必魚貫爭先者罪舵工六月安南夷艇鳳尾盜六七千過閩入浙逼台州松門將登岸巡撫阮元勒兵於太平松門擊之二十二日長庚率師至海門將會黃巖鎮謀攻取夜颶風起明日風益甚盜船覆溺於松門外僅餘二三船漂出外海海門兵船亦多損長庚船隨潮溢入田挂木而止賊在松門據破船及泗水登岸者黃巖鎮率松門兵縛桴合水陸悉攻俘之獲安南四總兵印及僞爵侯倫貴利磔之又獲安南王勅擲還安南自是夷艇不復入浙海秋長庚以夷寇雖滅閩盜尙有水澳蔡牽乃修船往來閩浙間屢獲劇盜李出丁郭林俊新楊烏李車黑陳帖李廣高英等船冬擢福建水師提督總督玉德以長庚福建人奏請迴避調浙江提督六年新船成乃入閩駕歸浙初阮元以造艇銀鉅萬付長庚曰船乃兵將所寄命文官不善於工請公自造之長庚曰公不疑我我當任之命守備黃飛鵬及族人齎銀入閩造艇至是艇成名曰霆船最堅壯加以大礮兵威大振夏擊於岐頭東霍等洋擒獲甚夥七年春獲盜張如茂船於浙潭頭獲徐業船於閩東滬是時水澳等賊以次殄滅海盜畏霆船勢頗戢八年正月蔡牽匿定海北長庚以舟師掩至牽

僅以身免追至閩糧藥盡篷索朽遺其黨千道員慶徠乞降於總督總督不虞其詐招撫之牽又言果許降勿令浙兵由上風來逼我總督調浙兵居下風牽以其間繕器備物揚帆去總督大怒趣浙兵擊之已無及矣十一月擊牽於三沙沈其船一牽北竄蹙之於溫林南兜奪其船二沈其一焚其一斬獲無算是年兼攝定海鎮凡十閱月蔡牽畏霆船厚賂閩商更造船之大於霆者令商載貨出海濟牽用商歸岸偽報被劫牽得大船遂能渡橫洋渡臺灣九年夏劫臺灣米數千石及大橫洋臺灣船會閩粵間盜朱潰斷糧牽分米飽之遂與潰合八十餘大船猝入閩海温州總兵胡振聲以二十四船入閩運船工木總督遽檄振聲擊之振聲陷於潰死之賊勢甚熾六月玉德阮元會奏請長庚總統閩浙水師以温州海壇二鎮爲左右翼專捕蔡牽秋牽潰同入浙八月追及之於馬蹟牽潰結爲一陣長庚督兵衝貫其中賊分東西竄逐至盡山沈其二船斃牽船盜數十人俘餘船五十餘人終入以牽船高未獲遁去牽責潰不用命怒先返自是牽潰始分牽亦少衰長庚建議禁商造大船無爲盜齋十二月潰結粵盜伺金廈長庚擊走之奪其船二於甲子洋牽擾臺灣調福建水師提督責捕牽十年夏牽由臺入浙復擊之於

## 同安縣志

### 卷之三十四

人物錄 忠義 十二

青龍港浙江提督孫廷璧不諳水師復調長庚爲浙江提督九月被風於盡山所部船多損冬牽聚船百餘復擾臺灣結陸路無賴萬餘人屯州仔尾沈舟塞鹿耳門阻官兵十二月長庚至臺不得入牽分力回拒臺府城得不破時南北汕安平大港門三次尙通小船長庚扼之別以小澎船五十令金門總兵許松年澎湖副將王得祿進攻之焚獲三十餘船盜千餘人十一年正月長庚令許松年進柴頭港自領兵截港外松年得祿水陸夾擊之焚獲甚夥二月令松年夜入洲仔尾焚其大船盜至鹿耳門者掩至長庚遣將以火攻船從南汕出其後燒之松年進蹙之焚斬無算二日復登岸擊陸賊以火焚其小船尸橫七八里賊大敗棄洲仔尾困守北汕內僅餘五十六船七日東風大潮驟漲鹿耳門所沈舟漂去賊奪門出長庚追擊之奪其船十餘而牽竟遁去四月牽潰在福寧追擊之牽入浙又擊之於台州八月擊之於定海漁山長庚專擊牽舟牽瓦石火器雨下額身皆受傷牽復遁去九月擊牽於閩之竿塘獲牽姪蔡添來十二月擊牽於溫之三盤多所斬獲牽自鹿耳門遁入內海甚狼狽篷柁皆毀四月至福寧得岸奸接濟易所篷勢復張長庚皆列狀奏聞十二年春追牽入粵擊之於大星嶼四月擊粵盜鄭一於

佛堂洋獲其二艇七月請回寧波辦軍政詔飾之八月卽出海十一月擊牽於閩之浮鷹十二月牽福建水師提督張見陞等追牽入粵廿五日質明至黑水外洋牽僅存三舟長庚以浙江親軍專擊牽一舟斃賊甚夥又自以火攻船挂牽船將成擒忽賊發一小礮適中長庚喉遽殞閩帥張見陞本庸懦又窺總督阿林保於長庚事事掣肘頗不受提挈及是遠見總帥船亂遽率舟師退牽乃遁入安南夷海中阿林保以其事聞上震悼哭之廷臣亦哭詔曰浙江提督李長庚宣力海洋忠勤勇幹不辭勞悴懋著威聲數年以來因閩浙一帶洋盜滋事經朕特命爲總統大員督率各鎮舟師在洋剿捕李長庚身先士卒銳意擒渠統兵在閩浙臺灣及粵省洋面往來跟剿艱苦備嘗破浪沖風實已數歷寒暑每次趕上賊船無不痛加剿殺前後殲斃無數擒獲盜船多隻蔡牽亡魂喪膽畏懼已極聞李長庚兵船所至四處奔逃正在盼望大捷之際乃昨據阿林保等奏到李長庚於上年十月二十四日由南澳洋面駛入粵洋追捕蔡牽望見賊船祇剩三隻窮蹙已甚官兵專注蔡逆窮其所向追至黑水洋面已將蔡逆本船擊壞李長庚又用火攻船一隻乘風駛近絀住賊船後艙正可上前擒獲忽暴風陡作兵船上下顛播李

## 同安縣志

### 卷之三十四

人物錄 忠義 十三

長庚奮勇攻捕被賊船礮子中傷咽喉額角竟於二十五日未時身故覽奏爲之心搖手戰震悼之至朕於李長庚素未識面因在洋出力疊經降旨褒嘉並許以奏報擒獲巨魁之時優予世職李長庚感激朕恩倍矢忠蓋不意其功屆垂成之際臨陣捐軀朕披閱奏章不禁爲之墮淚李長庚辦賊有年所向克捷必能擒獲巨憝朕原欲俟捷音奏到時將伊封授伯爵此時李長庚雖已身故而賊匪經伊年年痛剿之後殘敗已極勢不能再延殘喘指日舟師緊捕自當縛致巨魁况李長庚以提督大員總統各路舟師今歿於王事必當優加懋賞用示酬庸李長庚著加恩追封伯爵賞銀一千兩經理喪事並著於伊原籍同安縣地方官爲建立祠宇春秋祭祀其靈柩護送到日著派巡撫張師誠親往同安代朕賜奠并查明伊子現有幾人其應襲封爵候伊子服闋之日交該督撫照例送部引見承襲其長庚任內各處分著悉予開復所有應得卹典仍著該部察例具奏以示朕篤念勞臣恩施無已至意部臣以伯爵請得旨李長庚著封三等壯烈伯承襲十六次襲次完時給予恩騎尉罔替其卹賞銀著再給四百兩全祭葬賜諡忠毅忠毅無子以族子廷鈺爲後襲爵忠毅治兵有紀律恩威兼施諸盜皆畏之爲之語曰不

怕千萬兵但怕李長庚海盜沈振元自言爲盜時泊浙海夜夢公至一夜數驚遂  
革心投誠爲水師健弁公家故豐悉毀於兵事好讀書究韜略爲詩古文修寧波  
學宮置義塚爲粥食餓民士民皆感之舉武科會試卽航海入天津識海中形勢  
及在水師識風雲沙線自持柁老於操舟者不及之在兵船緘所落齒寄其妻吳  
氏蓋以身許國慮無歸櫬也健將許松年王得祿等皆公所薦拔者朱漬後爲許  
松年礮所斃其弟渥率衆降於閩八月十八日福建提督王得祿浙江提督邱良  
功始共殲蔡牽於温州黑水洋

參阮元集李次  
青先正事略

張高生前園保人少投水提標理帆繚拔中營把總初獲盜於石美樹兜南園後屢  
有擒獻歐水結會滋事至洲卽日擒縛之新來舵刼石浦米船逃入閩乾隆六十  
年從金門鎮李芳園戰於南日獲所刼米督撫賞給銀幣遊擊陳名魁以爲能署  
爲選鋒令扮賈船梭駛銅山南澳間遇賊畚州佯北軍士伏不動旣迫乃大發砲  
矢賊驚遁名魁從上方掩至夾擊擒賊明天追及宮仔前坡覆其舟時有林潭爲  
蔡牽先鋒最趨捷難捕嘉慶元年名魁擊殲之又於湄州遇柯佛船曾在浙刼鎗  
砲名魁麾兵急擊高生首先躍船搏鬪執縛之七月戰青水洋賊飛砲傷其右腮

## 同安縣志

### 卷之三十四

人物錄 忠義十四

透入唇屹不動其冬又獲艇船於獺窟三年正月圍侯煥於斧頭灣獲五舟鉛藥  
砲械無算五月從遊擊蔡安國追賊船甫交右手虎口被鏢傷額中石擊高生不  
顧先躍賊船砍殺衆從之賊下海死俘二十七人以功調南灣左營守備嗣送金  
洲船至浙江遇風覆沒北虜予恤襲

廈門志

劉高山字文錫號止亭少讀書見海寇日熾乃從戎嘉慶二年隨總兵李南馨剿賊  
於佛堂灣蔡牽出烏坵逐商艘高山追及之五堡牽脫去奉檄扼將軍灣遇艇賊  
殲之復攻之於蘇尖賊圍南馨船高山直入殊死戰以擒賊拔外委猝遇賊於廣  
東汕尾焚其艘旋從擊朱漬於南灣長汕尾我師少衆心動高山犁舵直進諸船  
競奮乘風飛擲噴筒賊多燔潰中創死又殲蔡牽義子補經制外委賊泊店子灣  
天寒港險高山乘潮進奪其艦擒賊無數調赴海壇轉閩安戍安平拔把總道光  
元年同守備陳得揚外委林應昌哨瑯瑪蘭洋突見白底盜船牽餘黨也約左右  
夾攻賊竄入碗光灣灣下皆鹵古石舵師怯高山拔劍叱之自犁舵攏擊持巨斧  
手刃數賊賊忽大至猶搏賊力盡而死賊旋就獲磔祭之事聞用副將例賜卹昭  
忠祠世襲雲騎尉高山性怛率疏財負氣屈於數奇功多爲人奪與楊康靈等號

五虎皆海上飛將也子紹勳官至廈門後營遊擊

續案

陳化成字業章號蓮峯泃洲人幼端重智勇過人尙氣節有擔當宇宙氣概年二十八入伍拔補水師額外連殺賊數起以功最拔外委嘉慶六年李長庚督閩師一見大奇之曰此名將才也命麾下善視之七年以攻盜拔把總十年又六月李長庚在青龍港緝賊令化成戰艦隨行生擒盜匪拔千總十一年扼蔡牽於鹿耳門十二年二月在粵洋首先衝擊蔡牽船十二月又攻牽幫船於浮鷹洋獲其舟斬其匪長庚列事以聞陞銅山守備又以屢獲洋盜補烽火參將道光元年陞澎湖副將八月陞廣東碣石總兵旋調金門總兵六年五月臺灣匪徒滋事帶兵前往督捕調臺灣總兵十年二月授福建水師提督在廈提軍凡十年海波不揚小醜摺伏莫敢動二十年復以防海需才令移鎮江南扼守吳淞化成益感奮激昂誓以死報國時夷目就撫廣東將撤防化成獨謂款約不可恃請留所部兵弗去冬雪方盛平地積數尺時掉小舟往來海濱風浪中或踏雪按行部曲嫗姁如家人軍中呼陳佛吳淞以東西礮臺爲犄角西礮臺在海口北距寶山六里東礮臺在其南險與西稱暎夷擾浙化成扼西礮臺以守凡三閱寒暑欽差大臣裕謙嘗以

大風雨夕偵化成見化成危坐帳中鈴柝聲琅琅然也二十一年八月定海再陷三總兵同日戰死鎮海失守裕謙死之吳淞民恃化成爲固明年四月夷陷乍浦戈船三十艘震逼吳淞時牛制軍艦與總兵王志元在寶山懼商於化成化成曰無恐以礮扼險可決勝第坐鎮毋輕出入也於是率參將周世榮守西礮臺而以牛王守東礮臺化成夜語世榮曰吾與汝福皆不薄周愕然化成曰詰朝戰而勝則受上賞不然亦俱不朽非福而何明日夷船排江進化成登臺執紅旗揮戰轟礮及千聲自卯及巳壞夷船六七艘賊沮欲退我軍噪而奮牛制軍聞師利趨出及三里賊從檣上覘其幟駕礮狙擊之制軍跳而免師遂潰東路軍棄礮走賊併力攻急周世榮請同奔化成拔劍叱之曰庸奴誤識汝世榮逸賊登岸礮彈雨下中化成顛復起猶手斃巨礮創重歎血死年六十有七同殉者守備龔齡增以下合八十餘人夷酋旣入城犒飲鎮海樓酒酣或作華言曰此行良險使有兩陳公安能至此哉越十日嘉定令練廷璜購化成尸獲積葦中而如生殮於武廟百姓罷市哭奠繪像二一留吳淞一貽其子狀聞詔優卹立專祠賜祭葬予諡忠愍世襲輕車都尉子七人長廷瑛福建水師千總次廷華浙江錢塘水師都司廷芳襲

世職廷棻欽賜舉人

參國朝先正事略黃鈞宰金壺浪墨亦佳室文鈔龔顯曾亦園勝牘

周承恩字君然號碧峰在坊人歷官金門守備愛恤士卒而勤於巡緝所部洋面肅然以獲盜功調升臺灣安平中營遊擊護安平副將道光二年張丙作亂隨總兵劉廷斌援嘉義戰歿於鹿仔草事聞以參將例賜恤子向辰襲雲騎尉官金門能舉其職後以遊擊帶兵至仙遊剿賊死於陣

金門志

吳瑞興石潯人屢從提督陳化成巡洋以捕盜勇敢累遷金門右營把總署千總咸豐五年十一月初七夜巡至中港海濱見盜徒數十乘龍舫小舟登岸直前捕之中賊礮傷項卒時護總兵蔡潤澤護右營游擊陳宗祥以賊匪無蹤欲捏報別情而瑞興長女日號哭於鎮署前當道不獲已以死事聞賜恤襲如例

案牘

李合成安平左營外委嘉慶十一年自北淡水大鷄籠從副將邱良功沈朱瀆黨巨艦蔡牽入鹿耳門協力禁卻之復擊朱瀆戰死滬尾洋賜恤襲如例祀昭忠祠子

秋香襲

金門志

黃志輝后浦人負膽略能戰以隨剿南北洋功擢烽火門守備題升金門左營游擊嘉慶十二年後總兵許松年追朱瀆下南澳至長汕尾及之首壓賊艦奮擊賊艦

## 同安縣志

### 卷之三十四

人物錄 忠義 十六

壞志輝船亦撞碎我軍撈救猶大呼我死不足惜急擊勿失沒於巨浪瀆亦獲誅事聞賜恤世襲雲騎尉祀昭忠祠子忠貞襲任三沙游擊

邱成勳提督良功從子以白衣効力行間嘉慶十四年良功追剿蔡牽於漁山船比兵接成勳奮身格殺中傷落海淹沒牽亦斃事聞照把總例賜卹世襲雲騎尉

邱聯恩字偉堂前浙江提督良功子也生穎異有父風良功卒年僅八歲聞訃迎喪哀毀如成人事嫡母吳生母王以孝稱弱冠襲爵爲乾清門侍衛道光癸卯選授直隸通州副將甲辰調河間協副將所至紀律嚴明得兵民心咸豐癸丑二月粵寇擾近畿聯恩始防留智廟後防景州寇皆不敢犯甲寅六月陞河南南陽鎮總兵時武漢新復逆匪下竄聯恩率隊駐光州堵禦戰於息縣殪匪千餘擒擒首丁心田而黃家莊一帶匪遂滅跡乙卯三月以防固始信陽功賞花翎當是時楚皖髮捻並起髮匪由蘄黃直趨武漢捻匪張落刑擾歸德竄光州出入穎毫間聯恩嚴防楚豫交界以杜北竄先復息縣丙辰正月赴歸德勦捻數戰皆捷斬馘數千亳州久被賊圍兵至立解又攻克雉河賊巢斃匪無算九月襄陽土匪擾鄧州新野回軍往援適落刑圍陳州聯恩登陴固守時出奇兵縱擊落刑東竄去十月鄧



州失守移師恢復之並破秦集薛集各踞匪楚豫交界斷賊蹤焉丁巳二月匪復竄回豫境屯浙川光化之間聯恩督小隊往勦猝與賊遇山深箐密我兵被圍不得出聯恩躬冒礮火衝賊陣七次斃騎馬悍賊數十人賊始驚潰是役也以少擊衆威名震遠近皖以南無不恃之爲長城矣匪復北竄陷內鄉聯恩拔隊往援克內鄉斬逆首朱中立於陣及餘匪二千餘跟踪至屈家灣搜捕賊黨殆盡落刑又竄光固聯恩馳抵光州踏平鳳尾集賊壘十餘座進攻方家集老巢又破之光固皆平賞圖薩蘭巴圖魯八月與勝保會師夾攻正陽關克之十月抵泌陽之銀洞山獲勝餘匪繳械降十一月督兵入內鄉西山搜剿竄匪山絕險蠶叢鳥道馬不能行聯恩徒步奔馳足皆重趺至十八盤山石磔硤嵯峨上下數十里氣喘不得屬天寒雨雪泥沒髀尺餘人馬多墜深礮死聯恩亦屢跌屢仆趲行較遲糧垂盡士卒皆忍飢覓路而賊早已遠遁巡撫英桂疏劾剿辦稽延奉旨摘頂翎聯恩既出險料賊必竄泌陽遂由角子山出馬谷田邀擊之連戰皆捷生擒捻首胡倫修殺餘匪數千老逆張汶成挾死黨百十人匿查牙山高洞中聯恩乘夜往攻悉數擒獲所過村莊鎮集男婦老幼莫不遮道跪迎餽送牛酒不絕以爲將軍重活我

## 同安縣志

### 卷之三十四

人物錄 忠義 十七

也英桂復奏剿匪出力奉旨賞還頂翎並令駐紮汝寧以爲後路聲援戊午春皖匪陷麻城黃安迭次往援匪皆紛散麻黃既復匪竄商城聯恩率師翻越山嶺歷八晝夜及之三戰三勝殺賊千餘遂駐商城防回竄八月移師陳州次息縣巡撫恆福檄調駐光州會落刑擾周家口聯恩分兵轟擊賊狼狽宵遁正躡追聞恆福又調駐鹿邑賊得回踞亳州己未二月聯恩聞歸德圍急由鹿邑督四千兵馳抵李家口是時賊向西竄馬步數萬剽行甚疾寧陵睢州相繼陷聯恩捲甲窮追戰於夾河套逍遙集殺賊二千餘克二城救出難民無數恆福疏劾剿賊遲誤奉旨奪職聯恩自以受國重恩誓死滅賊常提孤軍轉戰數千里赴艱涉險寢不解甲顧受文吏牽制冒觀望名感憤不能平乃慨然有致命疆場之志矣嗣落刑竄至舞陽之北舞渡將圖北犯聯恩繞道截遏欲迫之沙河一鼓成擒二十五日行抵打虎橋墓誌作喫距北舞渡二十里匪已蟻擁來撲聯恩大隊猶未至親出迎敵將士莫不死鬪自辰至未歷四時狂風忽起天地晝晦隊不能收賊騎數千分兩翼壓陣而下聯恩激厲親軍奮力抵禦賊聚愈多勢漸亟乃躍馬衝入賊陣橫刀左右砍殺身中數創馬蹶遂遇害年四十八歲十餘日得屍面如生尙凜凜有怒

氣恆福以狀聞文宗震悼詔開復原官以提督例優卹賜祭葬予諡武烈南陽北舞渡及原籍准見專祠子三人炳忠炳信炳義

李啟明楊肇基皆邑人官廈門把總道光二十一年英兵至總兵江繼芸赴水死啟明肇基殉焉事聞賜恤如例

獻雲文抄

陳上國字克潤號愧堂馬巷內官鄉人父必高官外委於乾隆五十二年死臺灣林爽文之難給雲騎尉世職必高無子以族弟舉人貫中子上國爲嗣并承襲焉道光二十年英人陷廈門上國方水師提標學習接仗七次無怯色時鴉片禁甚嚴洋商多勾結內地奸民窩囤銷售上國奉檄查拏獲邱宣陳乾陳往蔡莊又以訪拏蔡炒陳光營等匪糾衆拒捕上國額腦中石子傷幾斃而遇敵仍不少縮提督竇振彪深器之次年在温州洋擊沈盜船三隻獲李買等十八人二十四年權千總獲戕官要犯陳狃等十人皆置極典上國捕盜善偵蹤跡購眼線而又蹈危涉險誓不返顧故自官千戎至署游擊所破劫案至二十餘起生擒劇盜至二百餘人落海淹斃者尤夥有李忠毅邱剛勇風咸豐三年海澄黃得美倡小刀會踞廈門上國隨總統李廷鈺進剿所向輒克復以功升游擊賞戴花翎其時黃得美雖

## 同安縣志

### 卷之三十四

人物錄 忠義 十八

誅而興化土匪林俊猶據仙遊巡撫王靖毅公檄上國起軍營差遣隨大軍搗賊巢生獲烏白旂匪首陳尾等爲先鋒陳萬年賊中驍桀也上國斷其左腕梟其首以獻事平補海壇游擊加副將銜六年四月出援江西駐建昌府城南髮逆屢勝相持半年賊脅土寇四面環攻城陷上國率勇力戰歿於陣年四十二歲事聞詔以參將例賜卹又給一雲騎尉世職

林向榮字戰志號龍江馬巷柏頭鄉人道光十三年入金門鎮營爲戰兵在洋緝獲海盜陳芒王七陳甘康田陳妙陳改王信蔡華李買林進林應陳分陳爾等數百人牽獲及擊沈匪船多隻在鄉躡獲林密林塗林衣陳牛楊晚魏勇林兜等及烟販褚克配施工吳勤涼等數十人總督劉韻珂以爲能奏請鼓勵以千總應升之缺儘先補用二十六年間又在洋迭獲林賢略魏正林坻林垵等補南澳守備旋升海壇游擊咸豐三年升廣東海門參將未抵任值廈門黃得美之亂因雇勇不慎落職旋捐資募勇隨總統李廷鈺攻復廈門開復原官四年補水提中軍參將逾年護海壇鎮總兵在南日外洋擊沈匪船二隻擒胡阿好等在湄洲洋攻獲盜船一隻大礮二尊擒蘇松等升閩安副將八年四月鍾大紅等由江右竄閩上

游陷邵武郡縣圍建寧破浦城松溪政和崇安建寧等邑檄署建寧鎮總兵先後克復各城池七月戰於毛壩塔嶺師挫革職留任八月又進攻吉陽斃其丞相楊甲大將軍鍾大紅黃純富兵部曹甲移師建陽搜獲楊三等斬之以功復職九月授廣東碣石鎮總兵調臺灣鎮同治元年三月臺灣土匪戴萬生作亂戕官陷城南北路皆震向榮率師進討駐入掌溪候糧大雨溪漲糧不時至退紮鹽水港巡道洪毓琛以向榮進兵延緩揭諸省巡撫徐清惠公奏請暫行革職是時賊圍嘉義急鎮道不相能向榮催糧輒不應軍心漸懈向榮乃發書至家傾家資七千金募親勇五百人赴援六月進攻解嘉義斗六圍七月復剿滅大崙等莊閏八月賊又圍斗六向榮星夜馳救苦戰十日圍復解賊偵知我軍乏糧十三日率衆十餘萬來攻飛書告急糧與兵皆不至兵勇採樹子刮木皮撈浮萍羅雀鼠充饑死亡相枕藉賊圍益急十七日賊以牛車載草焚燒壁壘蠡擁環撲向榮督勇死拒血戰徹夜抵晨陣亡屍被支解年四十九歲胞弟附生林向皋次子外委林張成從子署外委林忠成勇首林福林烈林子義林廷邦林敏姪孫外委林其壽額外林其隣林名才林立林大猷并親勇四百七十八人殉焉妻吳氏聞變絕粒死洪毓

## 同安縣志

### 卷之三十四

人物錄 忠義 十九

琛奏請開復原官賞給騎都尉世職賜祭葬七百兩七年御史范熙溥奏請建立專祠上以向榮血戰捐軀忠節萃於一門隨死將弁至數百人均屬深明大義准於臺灣府城並本藉地方建立專祠從死者一體附祀光緒十六年欽奉懿旨賜祭一壇嗚呼勞臣勤事之忱朝廷旌忠之典可謂兩無憾矣

許朝陽游擊鵬飛長子屢隨提督寶振彪在浙江擒洋盜補廈門後營外委咸豐三年小刀會黃得美據廈門朝陽駕船隨提督施得高討之於蓬礁開礮攻擊斃賊無數被賊一礮打斷雙股猶大呼殺賊者三而亡年二十七事聞賜恤世襲雲騎尉祀昭忠祠

金門志

彭奪超字逾洛金門人少孤母撫之長充金門鎮左營舵手隨寶振彪巡洋以戰功拔補外委署千總咸豐三年小刀會黃得美踞廈門同安金門石碼震動總兵孫鼎鰲檄奪超署右營守備籌兵籌餉獨肩其任民賴以安賊黨林沙等以戰船犯中港及金龜尾後豐港勢張甚奪超派兵分守以戰艦夾擊賊潰伏誅同廈旋平久之巡洋先後獲盜升補南澳守備以剿滅安溪賊首李興等奉命統師船防艇匪於同治元年護理督標水師營參將時李秀成等竄擾浙豫延建土匪應之奪

標奉檄赴沙縣援剿勤巡哨嚴城守民倚爲重偵賊集順昌進兵討之力戰方酣  
伏發軍潰左右請速退超叱曰我爲國死汝曹自爲計遂大呼陷陣而卒事聞交  
部從優議恤照參將例恤賞世襲雲騎尉子聯登襲

誦清  
堂稿

李懋庸字炳輝號鴻山增階三子少能文納粟爲國子生三試南闈不售乃投水師  
爲戰兵屢隨提督竇振彪出洋緝盜獲朱祿魏正林候等咸豐初會匪黃得美陷  
廈門隨總統李廷鈺往剿獲股首黃逢日僞副元帥陳必又隨總兵孫鼎鼐巡洋  
獲謝元等積功洊升守備十一年隨閩安副將吳鴻源追賊於崇武洋風逆戢帆  
進船碎與曦暘同沈於海死總督慶端奏贈一級以千總難蔭世襲入祀昭忠祠  
李懋元字正亨長庚從姪孫隨增階出洋獲海盜十餘起官廣東電白游擊咸豐十  
年升山東登州鎮總兵旋隨僧邸剿捻匪復淄川縣城題提督旨飭先回本任卒  
李家世官水師皆能以功名顯海內以比漢之北平然李廣立功邊塞數奇不侯  
長庚則裂土胙茅澤流奕世爲有異耳

林捷輝字齊甫後浦人父俊元金鎮稿識屢隨總兵陳化成竇振彪巡洋風潮沙綫  
靡不熟悉先是母舅劉高山官淡水把總攻捕洋盜沒於陣上官將以他故誣陷

## 同安縣志

### 卷之三十四

人物錄 忠義 二十

捷輝次兄穆如時在臺灣據實申理事得白如例優卹高山子詔勳襲職捷輝長  
兄焜熿憐而養之爲延射師購良馬命同捷輝習射遂以善射知名時蔡黨蔡誅  
黨尙夥捷輝屢剿捕補金門左營千總管帶師船進擊盜船至深水外洋自起操  
舵犁擊兩船撞以搭鉤短兵接巨礮無所施捷輝擲火藥礮於賊船紛紛落水我  
軍亦傷乃拔劍大招曰隨我過船得賊資悉分給我軍帶傷齊奮忽大風捲浪鉤  
折賊船乘勢颺去捷輝恨甚咯血得疾歸病革大呼殺賊手擊牀作鼓聲卒年三  
十四

家乘

蘇有濟字汝經銅魚館人工楷法善書啟讀書手不釋卷再試不遇卽棄儒就幕初  
爲張呂諸鎮軍司筆札奇其才擢爲參謀甲子李侍賢擾閩張呂在延平師陷有  
濟就義年纔四十耗至同里學博林騰驤弔以詩云戎馬書生報國恩劍津喚鶴  
間哀猿運籌應得元戎眷絕筆猶傳故友言無復杉關歌振旅空從梓里賦招魂  
他年立傳昭忠異烈士應能慰九泉

倪炯  
采

陳勝元字建珍號曉亭殿前鄉人少習風濤沙綫跳盪超距之術年十八隸水師籍  
越兩年復補縣武生道光三年拔額外六年拔外委十年升把總十二年臺匪滋

事提督陳化成派隨進剿升提標右營千總尋升海壇右營守備以勇於捕務爲化成所器重遂擢水提標右營游擊二十一年署中軍參將時英夷滋事勝元隨總督伯燾駐紮廈門以夷船連踪至退守同安得旨褫職遣戍經新任總督劉韻珂奏留在閩差遣贖罪旋以督造哨船出力留閩捕盜黨搗盜巢擒盜魁開復原官尋升福寧左營游擊實授銅山營參將咸豐元年升山東文登協副將二年擢福山鎮總兵三年粵匪自武昌竄安徽兩江總督隆建瀛檄勝元赴江寧督水師進剿時賊船由太平府界合山順流而下勝元督飭游擊周鼇等帶領各船官弁兵勇迎剿擊沈賊艦餘匪隨退官兵追至蕪湖逆船蔽江東下夾守兩岸乃由陸路前進開礮擊沈逆艦二十餘隻沈斃逆匪不計其數兩岸匪黨亦被礮傷適逆船乘流復下勝元中礮落水沒於陣經江寧將軍祥厚奏入諭曰江南福山鎮總兵陳勝元奮勇勦賊臨陣捐軀深堪憫惻着加恩追贈提督銜卽照提督陣亡例賜恤以慰忠魂尋賜恤如例諡忠勇賞騎都尉兼雲騎尉世職襲次完時以恩騎尉世襲罔替子宗凱襲職四子宗超光緒丙子科舉人

參本傳及行述

殉難烈士

## 同安縣志

### 卷之三十四

人物錄 忠義 二十一

莊尊賢字育才灌口安仁里徐厝後人幼讀書至十五歲卽營米布商業及壯遭家不造父母妻子相繼染疫亡莞莞子立愈思以其身爲國家死時清政不綱外交失敗尊賢愴懷時局念非改革政府無以圖存遂入同盟會與同志莊右南發起公益社及農務分會組織天然養生畜牧公司集工二百餘人密聘有軍事學識者訓練兵法陰圖擴充同盟會鼓次革命辛亥武漢起義尊賢親率灌口健兒光復泉漳兩郡所有費用概外洋捐款及自己私資未嘗徵取諸民也革民成功解甲歸里毫無權利之心迨袁民僭位改元洪憲尊賢義憤填胸復召集舊部於灌口寨仔湖蜘蛛湖白虎岩山口廟等處請保定軍官學校畢業生潘節文爲教練官與士卒同甘苦士卒素有非爲者尊賢朝夕勸解繼以痛哭皆感激用命凡先後進逼嚴溪林墩等處軍皆捷民五五月五日朔夜率革命軍一百八十餘人攻城身先士卒與潘節文俱歿於陣年四十有一骸骨埋城下凡五稔十二年四月自治軍前敵司令張貞籌款遷葬於霞翟保車路鞏爲築烈士紀念碑

陳延香探

### 附潘節文事略

潘節文字敬號離恨永春人慷慨有大志常以班超自期許

赴京師入清河陸軍預備學校民國三年卒業見習於陸軍第十師復升入職

定軍官學校袁氏叛國稱帝應莊尊賢之請至灌口教練討袁軍丙辰五月偕莊尊賢率師攻城身受巨砲聲言我輩為共和流血死亦何憾恨不及身見汝曹隨洪憲以消滅耳殉義時年僅二十六後與莊尊賢合葬譯有戰略詳解不  
良兵教育法夜間教練法又著劍影廬詩詞集其感懷七言律云時局茫茫盡  
不平滿天風雨作愁聲窮途退多奇險亂世是非無定評才大遭  
讒悲屈賈功高羅禍弔韓彭英雄零落千秋恨讀罷離騷夢尚驚

### 附錄

許盛字際斯號武巖康熙三年自海上率眾歸城授參將銜屯墾南贛時三藩齊動  
閩粵荆湖諸師躡入江右破郡邑贛為數省咽喉盛率屯兵前後二十餘戰解寧  
都楊家寨富江等圍復石城萬安泰和上猶龍泉等縣招撫嚴自明戴順曾猶龍  
而斬敵將陳昇凌之亮何鼎陳可韓大任等以功授南贛總兵晉秩右都督轉左  
復剿崖石寨降其魁朱明授拖沙喇哈番予世職盛少遭亂失親骸至是匍匐悲  
號墟莽間乃得其處二十七年移鎮襄陽道經武昌值夏逢龍之亂幽閉城中身  
被四矢以計脫隨清兵討平之時值仁廟南巡盛迎見於宿遷驗閱箭傷後為言  
者所劾温旨許盛矢志忠貞所奏無據以原職出鎮宣府兩次出口隨征噶爾旦  
以老乞歸捐資三千八百金修邑文廟及明倫堂鄉賢祠卒於家子廷瑞商邱  
知縣廷瑜通判廷瑤常德府參舊志府志

## 同安縣志

### 卷之三十四

人物錄 忠義 二十二

周全斌字邦憲浦邊人有文武才略嘗為刀筆吏於漳州後從鄭成功入海康熙元  
年兩島破海帥多歸命全斌亦遣子入質福州率所部從鎮海衛來歸封承恩伯  
四年靖海將軍施琅統師討臺灣總督李率奏以全斌副之至青冰溝遭風引  
還召回京屯墾外郡有從征羅刹之勞臺灣外家譜

杜輝弟杜達灌口人康熙二年自海上歸清輝授總兵官左都督銜達廣東都督銜  
四年授輝廣東右路總兵官七年缺裁候補召京考試弓馬特授輝雲南永北鎮  
總兵達以原銜隨兄之任十一年值吳三桂亂兄弟俱被脅至湖廣密遣人赴大  
將軍貝勒王軍前訂期內應謀泄兄弟均被戮家屬僑寓廣東事聞贈輝光祿大  
夫達祿大夫賞給家屬回籍銀兩並米石等物舊志入忠烈